



Broj: 12-11-15-453-2/22
Sarajevo, 14. 3. 2022. godine

Na osnovu člana 69. stav (2) tačka (e) i člana 70. Zakona o javnim nabavkama („Službeni glasnik BiH“, broj: 39/14), nakon provedenog postupka javne nabavke štamparskih i knjigovezačkih usluga putem konkurentskog zahtjeva za dostavu ponude (broj obavještenja o nabavci: 296-7-2-2-3-3/22 od 18. 1. 2022. godine) i preporuke iz Zapisnika Komisije za javnu nabavku štamparskih i knjigovezačkih usluga broj: 12-11-15-3368-11/22 od 14. 3. 2022. godine, generalni revizor donosi

ODLUKU

o poništenju postupka javne nabavke štamparskih i knjigovezačkih usluga

I

U postupku javne nabavke štamparskih i knjigovezačkih usluga za potrebe Ureda za reviziju institucija u Federaciji Bosne i Hercegovine za budžetsku 2022. godinu, putem konkurentskog zahtjeva za dostavu ponuda, Ugovorni organ donio je odluku poništenju postupka javne nabavke iz razloga što je cijena trećerangirane ponude znatno veća od osiguranih sredstava ugovornog organa.

II

Zadužuje se Odjeljenje za pravne i opće poslove i ljudske resurse, da ovu odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

III

Ova odluka stupa na snagu danom potpisivanja i bit će objavljena na službenoj internet- stranici Ureda za reviziju institucija u Federaciji Bosne i Hercegovine, <http://www.vrifbih.ba/>.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) pokrenuo je, u skladu s odredbama Zakona o javnim nabavkama („Službeni glasnik BiH“, broj 39/14) i Odlukom broj: 12-11-15-3368/21 od 21. 12. 2021. godine, postupak nabavke putem konkurentskog zahtjeva za dostavu ponuda za izbor najpovoljnijeg ponuđača za nabavku štamparskih i knjigovezačkih usluga za potrebe Ugovornog organa.

Obavještenje o javnoj nabavci broj: 296-7-2-2-3-3/22 objavljeno je na Portalu javnih nabavki 18. 1. 2022. godine.

Komisija za javnu nabavku za izbor najpovoljnijeg ponuđača za nabavku štamparskih i knjigovezačkih usluga Ureda za reviziju institucija u Federaciji Bosne i Hercegovine, imenovana Rješenjem generalnog revizora broj: 12-11-15-3368-1/21 i 12-11-15-3368-2/21 od 12. 1. 2022. godine, prije zakazivanja e-aukcije izvršila je rangiranje prihvatljivih ponuda ponuđača, prema kriteriju najniža cijena tehnički zadovoljavajuće ponude, na sljedeći način:

- O. R. Agencija Aligo Sarajevo
- PRINT SHOP d.o.o. Istočna Ilidža
- KOPIKOMERC Istočno Novo Sarajevo

Nakon uspješno završene e-aukcije, Komisija je izvršila rangiranje prihvatljivih ponuda, prema kriteriju najniža cijena tehnički zadovoljavajuće ponude, na sljedeći način:

- PRINT SHOP d.o.o. Istočna Ilidža
- O.R. Agencija Aligo Sarajevo
- KOPIKOMERC Istočno Novo Sarajevo

Na preporuku Komisije iz Zapisnika o pregledu i ocjeni ponuda broj: 12-11-15-3368-9/21 od 14. 2. 2022. godine donesena je Odluka o izboru najpovoljnijeg ponuđača i dodjeli ugovora za javnu nabavku štamparskih i knjigovezačkih usluga broj: 12-11-15-453/22 od 15. 2. 2022. godine, kojom je za najpovoljnijeg ponuđača izabrana ponuda ponuđača PRINT SHOP d.o.o. Istočna Ilidža čija cijena iznosi 5.980,00 KM bez PDV-a, jer je u konkurentskom zahtjevu za dostavu ponuda, nakon uspješno okončane e-aukcije, ponudio najnižu cijenu tehnički zadovoljavajuće ponude, u skladu s članom 64. stav (1) tačka b) Zakona o javnim nabavkama.

Shodno Obavještenju ponuđačima o rezultatima postupka broj: 12-11-15-364-1/22 od 15. 2. 2022. godine, ponuđač PRINT SHOP d.o.o. Istočna Ilidža bio je dužan u roku od 5 (pet) dana od zaprimanja Obavještenja i Odluke o izboru najpovoljnijeg ponuđača broj: 12-11-15-453/22 od 15. 2. 2022. dostaviti dokumente iz tačaka 8.10 i 8.11 Tenderske dokumentacije, ne starije od tri mjeseca od dana predaje ponude, s tim da datum izdavanja dokumenata ne smije biti nakon datuma podnošenja ponude.

Uvidom u knjigu djelovodnog protokola Ugovornog organa utvrđeno je da je 15. 2. 2022. godine ponuđaču PRINT SHOP d.o.o. Istočna Ilidža otpremljeno Obavještenje ponuđačima o rezultatima postupka broj: 12-11-15-364-1/22 od 15. 2. 2022. godine i Odluka o izboru najpovoljnijeg ponuđača i dodjeli ugovora broj: 12-11-15-453/22 od 15. 2. 2022. godine, a uvidom u dostavnicu utvrđeno je da je dostavljanje navedenih dokumenata najpovoljnijem ponuđaču PRINT SHOP d.o.o. Istočna Ilidža izvršeno putem pošte 19. 2. 2022. godine.

Kako izabrani ponuđač u ostavljenom roku, po prijemu Obavještenja i Odluke o izboru najpovoljnijeg ponuđača, nije dostavio traženu dokumentaciju kako je to traženo tačkama 8.10 i 8.11 Tenderske dokumentacije, a što je bio dužan dostaviti do 24. 2. 2022. godine, prema odredbama člana 72. stav (3) tačka a) Zakona o javnim nabavkama, zbog njegovog propuštanja da dostavi originale ili ovjerene kopije tražene dokumentacije, Ugovorni organ je ugovor dodijelio drugorangiranom ponuđaču O.R. Agenciji Aligo, Odlukom broj: 12-11-15-453-1/22 od 3. 3. 2022. godine.

Dana 14. 3. 2022. godine, izabrani ponuđač O. R. Agencija Aligo je dopisom protokolisanim kod Ugovornom organa pod brojem: 12-11-15-147-4/22 obavijestio Ured za reviziju institucija u Federaciji Bosne i Hercegovine da odustaje od Ugovora iz razloga što „u periodu od 11.02.2022. g. (od momenta e-aukcije) pa do danas došlo je do višekratnog povećanja cijena repromaterijala neophodnih za izvršenje predmetnog Ugovora“.

S obzirom da je cijena trećerangirane ponude ponuđača KOPIKOMERC Istočno Novo Sarajevo znatno veća od osiguranih sredstava, Ugovorni organ je donio odluku kao u dispozitivu.

Dostaviti:

- O.R. Agencija Aligo Sarajevo
- PRINT SHOP d.o.o. Istočna Ilidža
- KOPIKOMERC Istočno Novo Sarajevo
- U spis predmeta nabavke
- a/a

